

國

朝

列

卿

紀

國朝列卿紀卷之一百三十

巡撫甘肅等處地方都御史序

甘肅古雍州之域漢以前爲月支國地後爲匈奴所據武帝時始置酒泉武威張掖等郡以斷匈奴右臂號河西五郡歷晉魏以降羣雄分據不一有前涼後涼西涼北涼之號西魏更曰甘州唐沒於吐蕃宋沒於西夏元立甘肅路尋改爲甘肅等處行中書省以控河西諸郡我明初革元命統一寰宇洪武五年宋國公馮勝兵至河西元守臣掠人民遁入沙漠遂略地至嘉峪關而西陲悉入版圖於是二十四年置甘肅衛二十六年又置陝西行都指揮使司領衛十二守禦千戶所二永樂因關外

諸蕃內附復置沙州哈密赤斤罕東阿端曲先安定苦峪等衛授以指揮等官俱給誥印羈縻不絕使爲甘肅藩蔽其鎮守如宋晟宋琥等俱以勲臣相繼總戎固未有文臣鎮撫之命自宣德六年命侍郎羅汝敬理陝西甘肅寧夏屯政亦未有專職宣德十年命都御史羅亨信督平涼等處邊備命侍郎徐晞鎮守甘肅地方歷正統元年虜酋阿台朵兒只伯數寇甘涼西陲多事命尚書王驥出征而侍郎柴車復以叅贊軍務出鎮於是甘肅以文官叅贊遂爲定制景泰元年又更爲巡撫都御史相沿至今不改然甘肅一帶孤懸數千里之外北爲胡虜西爲吐蕃實國門戶 祖宗設立河西疆域抵沙州哈密今考沙州哈密

卽古燉煌地其極邊又有巡檢公署及漢人村落屋廬數處是
昔嘗內屬之國也 國初嘗因諸蕃入貢者衆皆取道哈密乃
卽其地封元遺孽脫脫者爲忠順王賜以金印使爲西域襟喉
凡夷使入貢者悉令哈密譯語以聞西域諸國之虛實向背悉
賴以傳報由是諸蕃唇齒之勢成而華夷內外之力合邊境寧
謐餘八十年其後捐沙州及哈密之地於蕃而設關於肅州嘉
峪之地已非舊矣加以經略非人損威傷重故土魯番輒肆侵
犯以爲河西憂如成化九年弘治正德各六年速檀阿力王與
阿黑麻之變皆其左驗焉者况西寧地入西羌與四川同患苦
且亦不刺以殘孽竄居西海番人漸以南徙 國家旣失茶馬

之利而通寇生商日繁則西境腹心之禍也邇年以來吐蕃之人雖貢方物迺歸至甘肅之境輒居而不行卽今二州所居番人盈城遍野是可晏然者耶因變措形以壓服其心在保釐者有道以處之而已今詳各官年表於後其行實見於事紀其勳德茂著者表爲列傳其奉勅有事茲土者另見於首云

國朝列卿紀卷之一百三十

勅使甘肅春坊都御史年表

楊

榮

福建建安人進士永樂五年以右春坊右諭德往甘肅規畫軍務

王

茲

陝西河州衛軍籍湖廣武昌府江夏縣人進士天順五年以都察院左副都御史經略西事

彭

澤

陝西蘭州衛籍正德九年以大子太保左都御史經略甘肅

甘肅巡撫尚書侍郎都御史年表

羅汝敬

江西吉安府吉水縣人永樂甲申進士宣德六年以工部右侍郎理屯政

羅亨信

廣東廣州府東莞縣人永樂甲戌進士宣德十年以右僉都御史任

徐晞

直隸常州府江陰縣人吏員宣德十年以兵部右侍郎任

柴車

浙江杭州府錢塘縣人洪武丙子舉人正統元年以兵部左侍郎任

王驥 直隸保定府東鹿縣人永樂甲戌進士正統元年以兵部尚書任

曹翼 湖廣黃州府蘄州人永樂甲辰進士正統三年以右僉都御史任

程富 直隸徽州府歙縣人永樂甲午舉人正統五年以左僉都御史任

陳鎰 直隸蘇州府吳縣人永樂壬辰進士正統六年以右僉都御史任

馬昂 直隸河間府滄州人宣德中舉人正統十年以右副都御史任

宋傑 直隸保定府定興縣人宣德庚戌進士景泰元年以右副都御史任

芮釗 順天府寶坻縣人正統壬戌進士天順二年以右副都御史任

吳琛 直隸太平府繁昌縣人景泰辛未進士天順六年以右僉都御史任

徐廷璋 河南汝寧府羅山縣人景泰辛未進士成化元年以右僉都御史任

婁良 河南開封府通許縣人正統壬戌進士成化八年以右副都御史任

朱英

調廣州桂陽縣人正統乙丑進士成化十年以右副都御史任

宋有文

四川成都府資縣人景泰甲戌進士成化十一年以右副都御史任

于濬

直隸廣平府威縣人成化丙戌進士成化十二年以右僉都御史任

王朝遠

江西南昌府進賢縣人景泰甲戌進士成化十五年以右僉都御史任

魯能

廣東廣州府新會縣人景泰甲戌進士成化二十年以右副都御史任

侯瓚

直隸保定府雄縣人景泰甲戌進士成化二十二年以右僉都御史任

唐瑜

直隸松江府上海縣人景泰辛未進士成化二十二年以右副都御史任

羅明

福建延平府南平縣人成化甲戌進士二十三年以右副都御史任

王繼

河南開封府祥符縣人成化丙戌進士弘治三年以右副都御史任

馮續

山東萊州府昌邑縣人天順甲申進士弘治五年以右副都御史任

許

進

河南開封府靈寶縣人成化丙戌進士弘治七年以左僉都御史任

吳

珉

山西平陽府靈石縣人成化己丑進士弘治九年以右副都御史任

周季麟

江西南昌府寧州人成化壬辰進士弘治十年以右副都御史任

劉璋

河南都司衛人成化丙戌進士弘治十三年以右副都御史任

畢亨

山東濟南府新城縣人成化乙未進士弘治十五年以右副都御史任

曹元

直隸和州含山縣人大寧前衛籍成化乙未進士弘治十八年以右副都御史任

才寬

直隸永平府遷安縣人成化戊戌進士正德二年以右副都御史任

胡端

河南南陽府內鄉縣人成化甲辰進士正德三年以右僉都御史任

張翼

山西汾州介休縣人成化甲辰進士正德三年以右副都御史任八年致仕

趙鑑

山東青州府壽光縣人成化丁未進士正德八年以右副都御史任

李

昆

山東萊州府高密縣人弘治庚戌進士正德十年以右副都御史任

鄧

璋

順天府涿州人成化丁未進士正德十四年以右都御史任

許

銘

順天府宛平縣籍直隸吳縣人弘治己未進士上德十六年以右副都御史任本年激革受過害

陳

九疇

山東兗州府曹州人弘治壬戌進士嘉靖元年以右僉都御史任四年陞右副都本年闕位

寇

天叙

山西太原府榆次縣人正德戊辰進士嘉靖四年以右僉都御史任

李

珏

直隸大名府開州人弘治乙丑進士嘉靖五年以右僉都御史任

劉

天和

湖廣黃州府麻城縣人正德戊辰進士嘉靖六年以右僉都御史任

唐

澤

直隸徽州府歙縣人弘治己未進士嘉靖六年以右副都御史任九年致仕

張

載

山西平陽府澤州人正德辛未進士嘉靖九年以右僉都御史任十四年陞南院右副都御史未任

張

漢

湖廣承天府鍾祥縣人正德甲戌進士嘉靖十四年以左僉都御史任

牛天麟

山東東昌府聊城縣人正德戊辰進士嘉靖十二年以右僉都任

丁汝夔

山東濟南府霑化縣人正德辛巳進士嘉靖十八年以右副都御史任

陳卿

四川宜賓人弘治乙丑進士嘉靖十九年以右副都御史任三十二年以軍功陞兵部右侍郎二十一年開任

底蘊

河南開封府城縣人正德甲戌進士嘉靖二十一年以右副都御史任二十二年卒於官

詹瑩

山海衛籍福建龍溪縣人嘉靖丙戌進士二十二年以右僉都御史任

趙錦

順天府良鄉縣人正德丁丑進士嘉靖二十三年以右僉都御史任二十四年開任

傅鳳翔

湖廣德安府應山縣人嘉靖癸未進士二十四年以右僉都御史任

楊博

山西平陽府蒲州人嘉靖巳丑進士二十五年以右僉都御史任

王誥

河南汝寧府西平縣人嘉靖癸未進士二十九年以右僉都御史任

魏謙吉

直隸真定府柏鄉縣人嘉靖戊戌進士三十四年以右僉都御史任

陳非

河南開陵人嘉靖乙未進士三十六年以右僉都御史任三十八年降參議

胡汝霖

四川綿州人嘉靖乙未進士三十八年以右僉都御史任四十年聽調

戴才

直隸滄州人嘉靖甲辰進士四十年以右僉都御史任陞巡撫陝西右副都御史

石茂華

山東益都人嘉靖甲辰進士四十五年以右僉都御史任

王輪

山西蒲州人嘉靖戊戌進士隆慶元年以右僉都御史任四年致仕

楊錦

山東青州府益都縣人嘉靖丙辰進士隆慶四年十月由山西按察使陞右僉都御史任五年六月丁憂六年調外任

廖逢節

河南汝寧府固始縣人嘉靖丙辰進士隆慶五年出口北道參政陞右僉都任萬曆二年七月調州

張夢鯉

山東萊陽人嘉靖丙辰進士萬曆九年任順天巡撫陞右副都任四月陞大理寺卿

王珽

河南太康人隆慶戊辰進士萬曆九年由山西參政陞右僉都任十一年五月丁憂

曹子登

興州後屯衛籍嘉靖壬戌進士萬曆十二年以山西右布政陞右僉都任十六年加右副都仍任改撫保定

李廷儀

山西霍州人隆慶辛未進士萬曆十六年由陝西按察使陞右僉都任

余之禎

四川內江人隆慶戊辰進士萬曆十八年由廣東參政陞右僉都任十一月回籍

賈待問

直隸威縣人隆慶庚辰進士萬曆十八年由福建副都起任

勅使甘肅春坊都御史行實

楊榮字勉仁福建建寧府建安縣人革除庚辰進士歷翰林院編修入內閣永樂五年以右庶子奉命往甘肅規畫軍務所過覽山川形勢察軍民休戚閱城堡虛實秋七月甲寅回京奏對武英殿 太宗皇帝大悅時盛暑 命取瓜親割 賜榮且遣中官賜以羊酒 勅命休息七年秋七月甘肅總兵官都督何福言韃靼脫脫不花王等各率部落來歸命往甘肅與福經畫奏稱 旨賜以米鈔九月復 命持節詣亦集乃之地封何福爲寧遠侯伴經寧夏與寧陽伯陳懋規畫邊務旣抵亦集乃封福還至甘州福盛陳餽遺一無所取冬十一月還京復 命

及陳邊境便宜十事 太宗皇帝嘉納之賜以襲衣鈔幣十年

壬辰冬十一月甘肅守將駙馬都尉西寧侯宋瑋言叛寇老的

罕等逃去主赤斤蒙古衛指揮塔力尼將爲邊患 勅守陝西

豐城侯李彬率師討之仍命榮往經略十二月戊辰榮還具言

戎狄性豹狼叛服常態不足以勤大軍遂勅彬旋師未幾叛者

皆附累官少師工部尚書兼謹身殿大學士卒贈太師謚文敏

詳內閣

王竑字公度陝西河州衛軍籍湖廣武昌府江夏縣人正統己

未進士天順五年辛巳虜寇莊浪 勅起竑爲都察院左副都

御史經略西事竑威望素著號令區畫咸適機宜夷狄聞之震

懽而邊鄙遂寧本年事竣改督漕運歷兵部尚書詳兵部

彭澤字濟物陝西蘭州衛籍歷太子太保左都御史正德九年
廷議推總督川陝等處軍務經略甘肅地方澤抵甘州值土魯番
火者他只丁寇赤斤苦峪諸處殺掠甚慘遣人來甘州遺書速
送段來澤以番夷好利可利啗遣使納幣二千銀酒器一副贖
取哈密城印十年奏事寧乞休會御史燕澄奏二人總戎非使
乞取澤回京召歸掌院事詳兵部

甘肅撫臣行實

羅汝敬名簡江西吉安府吉水縣人永樂甲申進士累官行在
工部右侍郎宣德六年命提督陝西甘肅寧夏屯田分等第定

賦則區畫精詳杜兼并廣儲蓄至今賴之七年回部見陝西巡撫詳工部

羅亨信字用實廣東廣州府東莞縣人永樂甲申進士歷監察御史食僉事俸宣德十年以西陲有警特陞都察院右僉都御史命往平涼等處練兵以備邊塞亨信殫心力夙夜不懈本年英宗嗣位念邊境苦寒降勅勉勞亨信益感奮正統元年與都督趙安率師巡邊軍威克振會朝廷命將征虜酋阿台朵兒只伯亨信亦與其勞二年丁外艱奪情視事四年殄虜功成陞俸一級賜紵絲四表裏白金二十兩始命馳驛歸葬五年事畢還京勅撫大同宣府詳宣府巡撫

徐晞字

直隸常州府江陰縣人永樂中吏員宣德十年以

工部郎中陞試兵部右侍郎命簡閱陝西臨洮諸備軍士尋勅
鎮守甘肅地方正統元年召還實授兵部右侍郎本年虜酋朵
兒只伯寇西陲復命鎮守涼州莊浪諸要害地四年陞南京戶
部左侍郎歷兵部尚書餘詳兵部

柴車字叔輿浙江杭州府錢塘縣人洪武末年舉人歷兵部左
侍郎正統元年三月因虜酋阿台朵兒只伯寇邊西鄙戒嚴

朝廷將往經略之以車重臣俾叅贊軍務凡發卒蒐騎積糧餉爲
戰守備皆有條法 上嘉之賜織金綺衣一襲先是虜入鎮番
副總兵劉廣自涼州出兵往援遇虜而退虜隨逼涼州廣閉門

不敢出虜大掠而去廣不以實聞反奏功微賞車劾其罔上又

陳其欺誕不法事甚悉請必寘之法詔械送廣父子至京師

又劾奏寧夏等守將失律亦召還上益以車公廉詳慎爲國

盡忠賜白金三十兩文綺三疋有副前後章數十上皆剴切人

或以後患怵車車曰吾敢愛身以誤國也由是同事者或不悅

其所爲車亦惡其燕樂忽大計遂斷酒肉澹泊以自處凡燕樂

皆不與而持論益堅必據理守正每有功賞雖勅下必覆驗而

後行詐冒必糾正無毫髮私氓州土官都指揮僉事後能以家

人冒功得陞賞車奏罷所陞官能復以爲請上宥之車反復

論不可曰詐冒如能者非一人臣方按覈皆請罷令宥能如餘

人何若無勞而得官則捐軀死敵者何以待之 朝廷儻以後
能土人宜寬假以爲名惠之爵人莫敢援例若詐冒而陞官實
以爲不可 詔嘉車忠誠遣使賜白金四十兩綺帛各四疋
特命食從二品祿秩滿陞兵部尚書仍理軍務旣而事平西師亦
解嚴庚申召還賜以羊酒視兵部事詳兵部

王驥字尚德直隸保定府東鹿縣人永樂丙戌進士累官兵部
尚書正統元年因虜酋阿台朵兒只伯數寇甘涼等州 朝廷
患之十二月命驥往視師許以便宜行事驥至見沿邊城堡不
堅將無紀律歎曰邊防如此宜乎寇至翊日集官兵問曰往年
出兵遇虜於魚兒海首先退縮者爲誰咸曰都指揮安敬卽命

左右引出斬之一軍爲之股慄又誓於衆曰自今遇敵有不往者罪如之號令一新兵威大振及閱甘涼軍冗濫曰兵貴精強乃退其三分之一仍定爲去留使相更代於是兵得休息民減轉輸之勞旣而虜酋把禿孛羅入莊浪乃遣都指揮魏榮授以方略率兵剿之遂擒其部落以還虜始知懼遁走本年還京虜復入寇上復勅驥往至則遣大將蔣貴率精騎數千出境且戒曰遇敵不捷無相見也貴感奮追敗虜衆於石城兒泉驥計虜勢猖獗不大剪削無以示威謀知虜巢穴所在復以貴爲先鋒檄之再遣偏將趙安率兵繼之與太監魯安都督任禮分兵爲殿刻期交攻轉戰二千餘里遂擒阿台俘男女二千餘口虜酋

走死幾盡西陲以寧捷聞 上遣中貴勞以金帛命兼大理寺卿支二級俸還京復以平雲南麓川功封靖遠伯至正統七年北虜近邊又命出巡仍許便宜行事乃自寧夏抵甘肅凡寨堡烽燧悉增修之仍授邊將以破賊及練士方略虜聞風不敢近塞遂還京餘詳兵部

曹翼字



湖廣黃州府蘄州人永樂甲辰進士歷監察御史

巡按陝西克振風紀正統四年陞行在都察院右僉都御史叅贊甘肅軍務爲人正大御下以寬斥奸以嚴不置寵妾不阿權勢五年回院歷右副都御史詳都察院

程富字好禮直隸徽州府歙縣人永樂甲午舉人歷監察御史

巡按江西以平盜功陞大理寺左少卿正統五年值甘肅缺叅
贊在廷大臣僉議富在江西殄滅大盜智仁兼備足當是任召
陞都察院右僉都御史出鎮張掖裁決軍務糾察貪廉訪博議
士以咨所擬定來策以防急猝小事立辦大事驛聞邊備由是
井井上而總戎將帥下而部曲卒伍莫不具服富在邊凡軍民
利害知無不言一日陝西行都司涼州等衛城內多空地官豪
占據軍士野宿艱苦無訴乞取各城被占空地盡撥與軍無房
屋者官爲蓋造俾得安生以養銳氣二曰沒官田土加添稅糧
不能及其子孫反貽鄉里之累自今籍沒產土乞依時價買米
上倉支用民免負累官無逋租三曰禦敵殄寇全仗勇敢之士

若非平日周養臨期何以責效甘肅涼州莊浪等十四衛官軍
多有勇敢之士精選另編隊伍全支月糧加賞冬衣使異於衆
遇有寇盜必有成效四曰蘭縣過河抵甘肅城堡往年胡寇犯
邊多被擄掠詳其所以不曾操練故寇至不能抵禦乞令空閑
軍餘各給軍器每月操練十日令掌堡官管領遇有警急可相
救獲五曰古人立賢無方取士非一途而科舉得人爲盛其間
有文學者或迂於政事有政事者或劣於文章若不廣求恐未
得人乞凡遇科舉不拘名數但文可取者取之會試亦然授職
之後嚴加黜陟則人才得矣其言皆切中時務平日言事甚多
不能悉書也六年辛酉代還理院事歷右副都御史詳都察院

陳銓字有戒直隸蘇州府吳縣人永樂壬辰進士累官都察院右副都御史鎮守陝西地方六年命兼飭甘肅軍務為人寬厚清慎不事苛察作興學校聽理獄訟竭誠殫力知無不爲故甘肅雖代管行事未久無紀載而在陝多遺愛陝人稱爲黑鬚翁翁至刻印其像家祀之飲食必祀詳都察院

馬昂字凌霄直隸河間府滄州人宣德中由舉人授序班習典制儀章有才略不安於萎懦降趨以廷臣薦其才行並茂擢雲南道監察御史朗爽持大體奉勅整飭大同兵備寬嚴相濟不爲淵察而儀表莊重爲英廟所眷注正統八年超拜刑部右侍郎本年甘肅叅贊缺人改右副都御史叅贊軍務日夕講求

邊務謹斥堠明烽火蓄威養銳以待之築城設險營堡戍兵聲
勢聯絡虜不能犯時叅贊都督王善玩寇失機卽劾其罪謫戍
遼東官軍畏服先是赤斤蒙古罕東等衛番族恣肆鈔掠至強
劫總兵進貢馬駝昂受命帥將士討之盡得主名梟示及擒其
僞初王鎖南奔并妻子械送京師自是番人不敢近邊己巳北
虜寇甘州乃令人畜悉入城堡簡精銳選騎射躬櫜甲胄出屯
山隘以伺虜聞遁去景泰元年致仕四年 詔起總督兩廣軍
務兼理巡撫進右都御史至則安撫軍民推誠懷夷會蠻寇鳩
聚劫僕大閱民兵衛士示以紀律授方略詞察無敢不力卒殲
羣寇六年以功陞左都御史仍任前職天順元年命回京致仕

入見復留之命巡撫山西大同等處踰月召還掌院事詳戶部
宋傑字時彥直隸保定府定興縣人宣德庚戌進士由光祿寺
少卿景泰元年陞都察院右副都御史巡撫甘肅地方在任無
績可見天順元年致仕後起撫應天等處詳總督糧儲

芮釗字宗遠其先世居應天溧陽父琦徙家順天之寶坻遂爲
寶坻人領正統戊午京闈鄉薦後三年壬戌登進士觀政都察
院掌院事者見釗姿宇魁梧及試刑名輒出倫輩甚器之乃去
初任不授御史例奏請遴選進士爲御史得二十有四人釗其
首也授河南道未幾掌道事是道分隸皆劇司兼考覈郎署以
下及畿內百職政績激揚有方考察明允一時聲名籍甚嘗奉

命按治遼東河南江西所至持風裁鋤強擊貪不少寬縱吏民
惕息畏服其在江西能聲尤著蓋江西地大民衆訟獄繁劇釗
處斷明敏庭無滯囚不踰時令行禁止闔境清肅既代去良善
懷慕不忍舍居無何 朝廷擢釗按察副使從民望也釗至振
揚風紀有加於前頃之以外艱去任江西十三郡之人羣訴於
部使者冀奪情蒞職部使者以聞事寢得終制起復遷陝西右
布政使陝西地方接戎虜三邊嘗屯重兵供餉爲難釗夙夜盡
心區畫有方邊儲以足明年進左布政使天順丁丑召拜都察
院右副都御史仍食從二品祿奉 璽書巡撫甘肅地方至則
首詢兵民利病而罷行之其於練士卒謹斥堠精器械廣儲蓄

尤盡心焉庚辰以丁內艱聞 朝廷重邊計特命奔喪且遣官
營葬祭釗襄事始還鎮辛巳虜衆寇涼州甚急釗率輕騎馳赴
涼州不可近復分部屬散掠莊浪諸處釗隨機應變分兵追剿
所向克捷虜勢屈乃遁去是時虜出沒邊境幾一載而城守無
虞居人不致流散者釗調度拊循之功居多壬午九月三十日
以疾卒下人感歎有殞涕者總戎暨中貴視其裝惟衣服簿書
又相與歎服其清操云計至京 上深悼惜給傳歸其喪賜祭
營葬如禮

吳琛字輿璧直隸太平府繁昌縣人景泰辛未進士歷大理寺
丞天順六年陞都察院右僉都御史巡撫甘肅地方蘇浪去城

四百里有地深入狄境前檢田者占數屯種五千七百斛迫於徵輸軍多竄匿琛首疏罪之西番扒沙巴哇等七族累歲盜邊撫之不服協同平羌將軍宣城伯衛穎征剿之斬獲一千三百級馬駝牛羊甲仗輜重無算賊平陞俸二級成化元年還朝議事適四川妖人趙鐸謀叛改命琛往討鐸敗中止留理院事歷總制兩廣軍務詳兩廣總制

徐廷璋字公器河南汝寧府羅山縣人景泰辛未進士初拜刑科給事中歷兵科都給事中陞都察院右僉都御史巡撫延綏成化元年移撫甘肅改撫寧夏詳寧夏巡撫

婁良字惟貞河南開封府通許縣人正統壬戌進士授刑部主

事歷本部郎中天順末年陞廣西右叅政成化初年陞陝西左
布政八年陞都察院右副都御史巡撫甘肅地方在任無事可
見十年致仕

朱英字時傑湖廣桂陽人正統乙丑進士大司馬鄒墊深加器
重曰吾卿老臣凋謝殆盡負重致遠者吾與子有望矣擢監察
御史激揚有聲十四年處州賊葉宗留周明松等四出剽掠

朝廷遣英與中官分守要地乃榜諭脇從示以禍福降者衆又以
計生致明松等數人尸於市賊聞知遠遁乃募壯勇據阨塞遠
斥埃民賴以安賊平還京都督汪金以戚畹奪民田英率諸御
史劾之 景皇帝責金而歸其田於民中官姚廣單增怙寵恣

橫劾之皆抵罪會議易 皇儲英與給事中林聰議不可繇是
悟執政意遷廣東布政司叅議寇亂之後間巷瀟然撫凋瘵招
流亡寬徵歛理寬民用蘇息奸民避役者率投司府爲隸卒英
痛革之怨毀不恤也又立均徭之法等其貲產厚薄以輕重其
役吏民稱便峒蠻爲亂撫之不聽乃進兵剿之其黨棄賊先降
者百餘人大帥欲悉誅之英力持不可誅首惡數人而已 英
宗旣復辟凡諍易儲者皆得優賞英嘗至京林聰語英盍自陳
吾爲之證英曰向日之言吾職耳卒不自言君子避之都憲葉
盛巡撫兩廣其治法徃謀與凡典董子奪之宜多咨於英兩廣
合兵剿賊葉屬督察奸弊先是叅將范信以兵會剿大藤峽信

利虜掠馳至廉橫間誣采秦永平等鄉居民皆賊黨屠戮殆盡至是又欲并進城等鄉屠之以爲功英爭其非辜且遣間使請葉亟班師諸民始免屠戮之慘又音廣州半湖堡民謀亂議遣兵屠之英知其寬力爭以免湖賊羅屈寧等寇掠郡縣奉臺檄討之官軍執協從者欲盡戮之英曰良民也論而遣之又別置營以處被掠婦女兵罷訪其家歸之蓋英屢破劇盜誅止其魁遷本司右叅政且賜綵段寶糧丁母憂居廬三年恒蔬食一日借親族省墓渡溪有巨魚躍入舟因取以薦人謂孝誠所感服闋改陝西叅政固原熟羌滿四反朝命都憲項忠帥兵討之檄英督餉凡用兵方略悉以咨之成化五年陞福建

政使福建歲輸大青大綠非土所產吏胥每爲奸一斤至秤銀
十餘兩英減其三之二擇屬官廉能者收買以輸提督市舶中
官死鎮守太監分其餘貲遺藩臬力辭不能却乃受而輸於官
八年遷陝西左布政使十年春陞都察院左副都御史巡撫甘
肅首陳安邊十事大槩如練兵積糧興屯田桑諸番皆切於時
務又陳十事如徙居戎簡貢獻謹烽燧防間諜亦常慮所不及
又遷拔漏裨授以闡職如玉璽劉誠後皆爲名將十一年命
總督兩廣軍務兼巡撫歷太子少保都察院右都御史掌院事
詳都察院

宋有文字以道四川成都府資縣人景泰甲戌進士擢山東道

察御史成化元年陞陝西副使歷按察使及左布政使在陝凡
十餘年陝人宜之十一年陞都察院右副都御史巡撫甘肅地
方十一年以失事謫河南左叅議尋致仕

王濬字

直隸廣平府威縣人成化丙戌進士任廣東道監

察御史丁憂補河南道巡按陝西山東蘇松常鎮等處所至有
激揚其按蘇松時隆冬有建議驅衆以濬運河者民不堪勞多
凍死濬奏止之全活者無算十二年以功陞南京都察院右
僉都御史未任巡撫甘肅重鎮練兵儲糧民安盜息虜聞風遠
遁時兵部尚書王越生平氣岸嶄然少許可嘗爲經綸治化卷
以贈濬十五年丁憂起撫鄖陽卒於官詳鄖陽巡撫

王朝遠名漢以字行江西南昌府進賢縣人景泰甲戌進士除
南京監察御史嘗劾權姦忤旨出宰衡山翼日復職未幾陞
陝西按察司副使會虜寇邊以督糧餉功陞從三品秩尋陞按
察使時兵後艱食奏減公私租餘粟數萬石及弛茶鹽之禁民
賴全活者甚多成化十一年擢都察院左僉都御史鎮守甘肅
輕騎巡邊考兵之精壯者千餘補各屯增脩墩堡煙火相聞擇
廉吏主市平其物價彼此獲利夷人大悅邊境晏然十九年九
月累章求退准致仕歸歲餘卒年五十八

魯能字千之廣東廣州府新會縣人景泰庚午鄉薦甲戌登進
士第觀政冬曹時永與王薨奉命營葬事提督有方事如期

集還朝除南京戶部四川司主事天順二年戊寅丁內艱辛巳
服闋改戶部山西司成化二年丙戌陞本司員外郎明年以繼
母喪去官辛卯起復改江西司壬辰陞湖廣司郎中癸巳遷陝
西布政司右叅議戊戌進右叅政庚子陞右布政使十九年轉
左使二十年甲辰陞都察院右副都御史巡撫甘肅能歷戶部
曹務繁劇區畫綜理嚴密而均適國用以舒司徒多倚重之在
陝藩時分守臨鞏二月清水縣城久圯虜寇卒至能督官民兵
且築且戰城成虜自遁去繼奉 聖書總理八郡三邊糧餉都
行二司屯種征運以時遠近有等而民力不疲每歲戶部給來
糴米銀數十萬兩舊多乾沒於權要能估直分糴倉合無虧而

兵食以足創會議堂一所於公堂之左凡民徭邊儲洎王府祿米所當預計者則集僚佐疇度其中務在均節官民兩便故歲雖稔無稽逋甲辰陝右亢旱不登民相食能虔禱羣望百方區畫古今救荒之宜舉行殆盡由是多所存活 朝廷嘉其勞勩肆有巡撫憲臣之命是年十月也甫下車卽嚴明號令簡閱部伍振張頷目補剔利弊兵備咸飭聲威遠著虜寇不敢南牧

朝廷可無西顧之憂矣無何遽聞父喪請歸守制屬邊務方殷代者不至弗敢輒離日尚墨衰從事摧毀勞劬形神瘠耗疾作不可治卒於關內道之公館壽五十八計聞 上深悼惜遣官諭祭命有司祭塋域

侯瓚字奉璋直隸保定府雄縣人景泰甲戌進士授戶部主事
歷員外郎成化二年陞鳳翔知府八年陞山西右叅政十七年
陞光祿寺卿二十一年陞都察院右僉都御史巡撫甘肅地方
在任未久無績可見二十二年陞兵部右侍郎累官南京工部
兵部尚書詳南京兵部

唐瑜字廷美其先晉陽人宋御史中丞子方之後高祖英洪武
初官直隸松江府上海烏泥涇稅局因占籍上海登景泰辛丑
進士授南京禮科給事中蹇蹇不阿選知浙江衢州府九年擢
湖廣右叅政遷山西右布政使未行丁外艱服闋改雲南未幾
擢都察院右副都御史巡撫甘肅瑜之守衢也詢民間利病以

次行罷衢人大悅會歲久旱且疫瑜還自朝覲下車卽宿城隍廟自爲文以禱三日雷雨大作後凡值旱禱輒應吏民相與勒石於周宣靈王廟舊有孔子祭田奪於民瑜以俸贖還之俾世供祀事有假媒聘賺財旣而懼瑜之威鬻其二子及妻以償瑜曰民窮而犯法畏法而棄妻子守之過也贖其妻還之衢民健訟瑜決斷如流數辯疑獄民遂不敢欺及去衢衢爲立生祠祀焉其在湖廣城京山隄襄陽河若千里置廣儲倉歲饑民賴以不徙其在雲南定土官世襲法以絕爭訟定滇糧給散之宜甘肅兵政久弛至則陳時政四兵備五罷叅將田廣奏起才將許寧李興勞邊軍輒陣亡邊人竦然會中貴人以事諷瑜不從

廣等從而媒孽之竟坐事去弘治五年詔復故官致仕七年卒
於家春秋七十有二

羅明字文昭福建延平府南平縣人成化丙戌進士拜河南道
御史清理兩浙鹽法巡按廣西還掌道事所至有聲遷陝西按
察副使丁內艱民不忍舍起復仍副陝憲陞本按察使遷雲南
左布政使未踰年擢都察院右副都御史巡撫甘肅首奏罷貢
獻以息橫斂奪勢家所擅草湖以還軍士他如均水利清兵馬
蠲逋負多所建明又奏增員額以振淹滯選秀民錄庠序中講
求雅樂以祭先聖其於風教尤克盡心弘治二年己酉東路有
小警且 詔錄囚徒明舊苦煩疾至是以勞卒卒之後旬月以

區畫哈密功。璽書褒獎尋進工部右侍郎皆不及見詳工部右侍郎。

王繼字述之河南開封府祥符縣人成化丙戌進士授雲南道御史七年陞陝西按察司僉事十年陞陝西副使十五年陞山西按察使十六年丁憂二十年復除福建按察使二十二年轉山西右布政使二十三年陞右副都御史巡撫福建弘治三年改撫宣府本年又改撫甘肅五年陞南京兵部右侍郎詳南京兵部尚書

馮續字 山東萊州府昌邑縣人天順甲申進士授兵部職方司主事守山海關成化 年陞戶部郎中總督薊東邊儲弘

治五年陞都察院右副都御史巡撫甘肅地方七年時北虜大寇甘州地方殘破言官劾績不職着爲民

許進字季升河南開封府靈寶縣人成化丙戌進士弘治七年任陝西按察使因北虜大寇甘涼地方殘破言官劾都御史馮績不職爲民十二月事益急上命都督莊鑑馬昇擇京營人

馬二萬往援又用廷臣議復以進爲都察院左僉都御史巡撫甘肅乙卯虜酋也七克里求於近邊貨易以爲障蔽進奏言宜照赤斤罕東番夷事例一體羈縻上陳邊事其略謂守邊之要固在聲勢聯絡應援之兵又在先期以待且用兵之道非務多而無實在精強而有制將謀專則軍政歸一而師律自貞兵素

練則齊勇如一而遇戰則克今調到延綏等處副總兵朱瑾等
人馬一萬二千名兵老財費俱宜放回京管人馬不必啓行止
可於固原等處共選兵五千名統以都指揮聽甘涼鎮巡等官
調度則緩急易以應援自致克捷 詔可再奏復洮岷漢土官

軍於甘涼鎮番二處備禦更調副總兵彭清各守所宜地方督
勵指揮楊翥張濟等累取斬獲虜方引去邊陲遂安哈密國在
嘉峪關外幾二千里永樂九年 太宗文皇帝降金印封元之
遺孽脫脫爲忠順王統畏吾蒙古回回三種夷人俾與赤斤罕
東阿端曲先等衛互爲唇齒藩蔽甘肅地方西域諸國夷情賴
其傳報或入貢令譯語以聞成化間哈密因分取土魯番入貢

載回茶物太多遂致讐隙九年土魯番速檀阿力王侵哈密虜
王母金印以去哈密二種皆逃來甘州後王母故十四年速檀
阿力王亦故其子阿黑麻立守臣謂其國易主請乘間封王遣
之二十年乃立王母外甥罕慎封爲忠順王弘治元年吐魯番
阿黑麻番頭目牙蘭年老習事率衆謀殺哈密都督罕慎子阿
木郎 朝廷璽書切責四年乃以城池金印來歸守臣具聞五
年復立陝巴六年阿黑麻又虜去忠順王陝巴金印以去其遺
族 朝廷命置於苦峪關等處寄住累遣重臣經略前後幾二
十年不能定雖再立其王皆爲吐魯番殺虜以去弘治七年甲
寅速檀阿黑麻僭稱可汗轉略罕東等衛使降且令其部酋牙

蘭占據哈密城池爲經久計因挾求爲忠順王聲言若不從則大舉兵取甘肅城衆議無所出及進巡撫甘肅謂僚佐曰往事旣不能感服其心又不爲自立之計苟且爲之宜乎其有今日也乃獨以哈密可復狀上聞 詔可卽勅進經略進謂自古有以夷攻夷之法乃遣人於罕東赤斤也力克里各宣布朝廷恩威時加犒勞又厚撫苦峪寄住夷人旣得其歡心爭爲用命又因北虜小列禿之子於吐番有殺讐乃通和小列禿部落俾與也力克屯兵哈密吐魯之間以斷魯番東援牙蘭之路復遣十數人往吐魯番議和以款其心謀旣定乃令總兵劉綎統領官軍四千五百至肅州再以右副總兵彭清領精銳官兵二

千五百圍去嘉峪關隨路調赤斤罕東各衛番兵一千八百以彭清所部及番兵之半冒雪深入二千里直抵哈密克奪故城獲回忠順王罕慎妻女斬首百餘獲牛馬三千器仗無算牙蘭與所部夜遁時城中居人被牙蘭脇從者尚八百人總兵貪功夜詣進耳語曰此輩已從牙蘭且面貌不異吐番人若誅之得八百首級真奇功也進正色曰此皆真哈密人但被牙蘭脇從耳吾此來務安輯猶恐遠夷不懷且得城無人城誰與守汝不從吾吾歸決劾汝寧乃止既撫定居人乃全軍而還克復事聞上賜勅獎勞進既入關卽遣苦峪寄住夷人歸哈密故城給牛種衣糧犁具俾爲生聚計且令小列禿及乜克力兩部常住牧哈

密之西藩蔽吐魯番既不能逞越二年丁巳遂稱款以所虜忠
順王陝巴金印來歸西域乃定皆進之謀也初土人皆言哈密
孤懸二三千裡之外自來天兵未至之地考之前代亦無有以
兵莅其地者非進威信恩義乎於土漢番夷之人焉能合其心
力擁衆深入成此大功九年丙辰八月以前功進右副都御史
辭不允本年九月改撫陝西累官吏部尚書詳吏部

吳珉字

山西平陽府靈石縣人成化己丑進士授吏部稽

勳司主事歷文選司員外郎郎中陞山東左叅政本司右布政
使轉左弘治九年陞都察院右副都御史巡撫甘肅十一年改
南京都察院右副都御史本年致仕

周季麟字公瑞江西南昌府人成化壬辰進士弘治十年
丁巳任河南左布政使虜犯甘涼陞都察院右副都御史往莅
巡撫之任始至勤兵與虜戰斬首六十四級捷上賜勅獎勵
季麟憂邊思職屢陳防禦之宜先是哈密忠順王中絕王母署
國事成化九年爲吐魯番王速檀阿力所襲部落數千人來奔
寓甘肅朝廷再造文武大臣往經略之皆莫能定弘治五年
國人擁立忠順王之族屬陝巴復爲吐魯番之叛臣速檀阿黑
麻所據西陲之禍不解者四十年矣七年命前撫臣許進經略
有功季麟繼之宣布德意振揚兵威於是十年丁巳阿黑麻畏
服乃送陝巴并原奪勅印抵甘州季麟請仍立陝巴因以其

強酉奄克字刺之從女妻之凡所以經紀其事宜并賜答吐魯
番之禮纖悉詳盡自是諸部帖然番貢不絕陝巴之族弟安定
國王千奔亦慕義來謝事聞 孝廟大悅有白金文綺之賚時
季麟已自傷胃痛矣而於利病之當罷行者恒汲汲爲之所屬
邊境之苦寒切近諸夷未嘗不親歷久駐益忘其身之病也十
三年庚申之夏移撫陝西歷撫順天詳順天巡撫

劉璋字

河南都司衛人成化丙戌進士

弘治

十三年任都察院右副都御史巡撫甘肅地方十五年致仕
畢亨字嘉會山東濟南府新城縣人成化乙未進士授吏部驗

封司主事歷陝西左布政弘治十五年以右副都御史巡撫簡
士伍出匿占三千人又簡丁餘爲邏卒莊浪有警率師直抵城
下開門屯師於郊令士樵牧有餘勅官給償以充儲峙虜遁去
十八年回籍歷工部尚書詳工部

曹元字以貞直隸和州含山縣人大寧前衛籍成化乙未進士
弘治十八年陞山東左布政媚逆瑾陞右副都御史巡撫正德
二年改撫陝西歷兵部左侍郎尚書入閣詳內閣

才寬字汝栗直隸遷安縣人正德二年以右副都御史巡撫任
情裁決綜理未周三年改撫陝西歷工部尚書兼左都御史總
督三邊軍務詳三邊總督

胡端字

河南南陽府內鄉縣人成化甲辰進士

正德三年

陞都察院右僉都御史巡撫甘肅地方

年致仕

張翼字

山西汾州介休縣人成化甲辰進士授刑部浙江

司主事弘治

年陞

司員外郎

正德三年陞都察院右副

都御史巡撫甘肅地方八年致仕

趙鑑字克正山東壽光縣人成化丁未進士授蕭山知縣歷陝

西右布政正德八年以右副都御史巡撫值歲大侵疏請出內

帑及貸富人貸糶易粟隨在給以粥食全活甚衆又令官給牛

種助之耕又浚渠招屯募兵又却吐番復哈密十年遷南院歷
刑部尚書詳刑部

李昆字 [REDACTED] 山東萊州府高密縣人弘治庚戌進士正德十年
以右副都御史巡撫十四年降浙江副使歷陞順天巡撫兵部
右侍郎詳兵部

鄧璋字禮方順天府涿州人成化丁未進士累官南京刑部侍
郎正德十四年以右都御史總制三邊失機閑任起撫十五年
遷南京戶部尚書詳南京戶部

許銘字德新順天宛平籍直隸吳縣人弘治己未進士授南京
兵部車駕司主事十八年陞本司員外郎正德二年陞武選司

郎中三年丁憂五年補南京禮部祠祭司郎中本年陞山東提學副使七年陞山西行太僕寺卿十四年陞陝西右布政使十六年陞山東左山東左布政使尋陞都察院右副都御史巡撫甘肅本年以月糧減價激變軍士遇害贈右都御史

陳九疇字

山東兗州府曹州人弘治壬戌進士授刑部湖

廣司主事正德三年忤逆瑾降碭山縣知縣四年丁母憂六年辨明補刑部浙江司主事本年陞湖廣司員外郎尋陞陝西司郎中九年陞陝西副使兵備肅州十三年下獄除籍爲民十六年宥還原職尋陞陝西按察使嘉靖元年陞都察院右僉都御史巡撫甘肅四年以軍功陞右副都御史仍前任本年閑住

寇天叙字子惇山西太原府榆次縣人正德戊辰進士歷都察院右僉都御史嘉靖四年巡撫甘肅節鉞甫臨回騎犯山丹指揮將士遇其鋒斬首脫脫衣兒及部落三十六級威名遂震甘肅荒徼諸司往往恥之凌蕩法守叙切憂之乃訓八以廉德樹素絲之風而先之太監總兵官役軍蕪草輸之官廩所給則勻奪而有之叙榜令軍交草於官官交值於軍毋旁落他人之手屯糧額有科水流田巧勒地頭錢無名甚矣並嚴其禁又每團軍士較其技勇懸銀的而令射之諸所俘獲賞必及其功買功賣功悉論罪殞於鋒鏑者尤加之意什五之衆桓桓有圖志先是回夷土魯番侵軼酒泉郡 廷論閉關絕貢且二年矣

彼夷投譯文求和辭涉悖慢叙議曰彼夷勢必求通於我而我
無終絕之理能絕其貢路矣將亦絕其入寇之路乎而或不能
也但彼夷桀驁不大挫劔之則朝和夕叛無益焉耳是宜聚糧
犒師以張我撻伐之威以堅彼夷悔禍之志然後議和則操縱
在我不在彼庶可恃以無虞又總制軍門欲遣使傳徵詰責彼
夷送出哈密王而其人不可類聽選本類一人主理事叙統不
以爲 祖宗間關立哈密而欲世世守之雖被彼夷自據於我
地也若廢置由之則地彼有之矣豈春秋正侵疆之意乎况倉
卒遣使而爲彼羈留如國體何乃逸聽爾選等立王數語直付
貢回夷使執之去此皆久長之計也彼夷別種貢獅子牛狗

詔許其入天叙特請却還之又請御經筵親辟士講求治道其忠至矣又以嚴清戎謹備禦廣屯種添京運處物料添軍器分部官七事乃備邊要務皆請行之曠場日登焉五年遷右副都巡撫陝西歷刑兵右侍郎詳兵部

李珏字合直隸大名府開州人弘治乙丑進士嘉靖五年以右僉都御史巡撫六年謫戍後起撫山西

劉天和字養和湖廣黃州府麻城縣人正德戊辰進士嘉靖六年由提督四夷館太常寺少卿陞右僉都御史理甘肅屯政九年改巡撫陝西總理河道工部右侍郎三邊總制南戶兵部尚

書詳兵部

唐澤字

直隸徽州府歙縣人弘治己未進士授平鄉知縣

正德元年陞刑部貴州司主事五年陞山西司員外郎本年陞
江西司郎中九年陞福建副使十三年丁憂十六年補原職
年陞浙江按察使嘉靖二年丁憂四年補陝西按察使六年陞
陝西右布政使本年陞都察院右副都御史巡撫甘肅地方八
年轉左副都御史仍前任九年致仕卒贈戶部右侍郎

趙載字

山西平陽府垣曲縣人正德辛未進士授戶部雲

南司主事十四年陞廣東司員外郎十五年陞廣西司郎中本
年調廣東司郎中嘉靖二年陞陝西右叅議四年陞陝西副使
七年陞陝西左叅政八年陞都察院右僉都御史督甘肅屯政

九年改巡撫兼管屯政十二年專任巡撫十四年遷南院操江
右副都御史未任劾回聽勘見南京都察院

張漢字

湖廣承天府鍾祥縣人正德甲戌進士嘉靖十四

年以左僉都御史巡撫十五年丁憂歷順天巡撫兵部左侍郎
詳兵部

牛天麟字

山東東昌府聊城縣人正德戊辰進士嘉靖十

二年任浙江按察使陞右僉都御史理甘肅屯政十五年改撫
甘肅地方陞右副都御史仍任十八年遷大理寺卿詳大理寺

丁汝夔字太章山東濟南府霑化縣人正德辛巳進士嘉靖十

八年以右副都御史巡撫十九年丁憂後起撫保定順天等處

降叅政歷河南巡撫吏部右侍郎兵部尚書詳兵部

陝卿字

四川叙州府宜賓縣人弘治乙丑進士授南京戶

部山西司主事正德四年陞廣東司員外郎六年陞山東司郎中七年丁憂十一年起復陞雲南僉事嘉靖元年陞雲南右叅議四年丁憂十年補河南右叅議本年陞湖廣副使十一年陞廣東左叅政本年致仕十五年起江西左叅政十六年陞廣東按察使十七年陞廣西左布政本年調福建右布政十八年陞本省左尋陞應天府尹十九年陞右副都巡撫甘肅二十年以軍功陞兵部右侍郎兼僉都御史仍前任二十一年閑任

底蘊字

河南開封府考城縣人正德甲戌進士授興化知

縣十一年調宜興十三年調咸陽十五年擢禮科給事中嘉靖
二年陞禮科右給事中三年陞禮科左給事中本年陞太平知
府四年調鳳翔知府八年丁憂十年補安慶知府十一年陞山
東副使十二年丁憂十五年補浙江副使十七年陞山東右叅
政十八年陞山西按察使十九年陞陝西右布政使二十年陞
陝西左布政使二十一年陞都察院右副都御史巡撫甘肅地
方二十二年卒於官

詹瑩字仁甫山海衛籍福建龍溪縣人嘉靖丙戌進士除戶部
主事任南京太常寺少卿二十二年以右僉都御史巡撫二十
三年遷撫大同地方陞右副都御史詳兵部侍郎

趙錦字

順天府良鄉縣人正德丁丑進士十三年十二月

南京戶部浙江司主事十六年九月陞本部貴州司署員外

事主事嘉靖元年八月陞本部四川司署郎中事主事二年十

一月調南吏稽勲司署郎中事三年六月調兵部職方司署郎

中事本年八月實授八年四月調南京戶部河南司郎中九年

七月陞浙江溫州府知府十二年八月陞山東副使十五年十

二月陞山西右叅政十七年十一月陞浙江按察使十八年五

月陞都察院右僉都御史巡撫延綏地方本年九月守制二十

一年八月復除原職巡撫大同地方贊理軍務二十二年改撫

甘肅地方二十四年考劾閑住後起官至兵部尚書詳兵部

傅鳳翔字德輝湖廣德安府應山縣人嘉靖二十四年以右僉都御史巡撫二十五年遷撫江西累官兵部右侍郎詳兵部

楊博字惟約山西平陽府蒲州人嘉靖己丑進士二十二年任山東提學副使二十五年以右僉都御史巡撫二十九年丁憂累官少師吏部尚書

王誥字公遇河南汝寧府西平縣人嘉靖癸未進士二十九年以右僉都御史任

國朝列卿紀卷之一百三十一

國初太常寺卿年表

楊訓文

四川潼川州人薦舉洪武元年任詳戶部尚書

胡惟庸

直隸定遠人元末歸附洪武二年任詳中書省

魏觀

湖廣蒲圻人薦舉洪武三年任

陳昧

浙江平陽人薦舉洪武三年任

吳琳

湖廣黃岡人薦舉洪武四年任詳吏部尚書

陳世舉

應天上元人薦舉洪武五年任本年免

呂復

江西興國人洪武初徵辟五年任六年卒

呂本

直隸壽州人故元歸附都事洪武六年任

唐鐸 直隸虹縣人元末歸附洪武七年任

樂禮 直隸全椒人薦舉洪武十二年任

張經道 山東蒲臺人以博學舉洪武十三年任

丘玄清 湖廣均州人幼為武常山道士洪武十五年任

王德益 人洪武二十六年任

黃子澄 江西分宜人探花洪武二十七年任

王勉 陝西蒲城人樂舞生永樂二年任

蔣守約 直隸宜興人樂舞生永樂十一年任

自朝列卿紀卷之一百三十一

太常寺序

太常古宗伯之任秦爲奉常漢曰太常秩中二千石謂之九寺
大卿後漢太常屬大尉部卿一人中二千石掌禮儀祭祀凡祭
祀大射養老皆先奏其禮儀及行事每月前晦察行陵廟以社
稷郊疇事重列九卿之首建安中爲奉常魏改太常晉以太常
等九卿兼將作大匠增其禮秩宋齊皆因舊制漢以太常卿與
宗正司農爲秦卿後魏太常爲九寺之初置少卿歷北齊及隋
太常俱置九寺唐置太常寺卿少卿掌禮樂郊廟社稷之事總
郊社等事

置大常寺以禁林之長主判其間沿革不一元豐始正官名我朝肇造區夏於吳元年置太常司正三品設卿一人少卿二人并丞二人爲正官置首領屬官博士二人典簿二人職祝文簿書特命專管陰禮洪武三十年改司爲寺永樂十九年定鼎北京兩京並設於留都加南京二字自是諸大祭典俱行之於北而在留都官俱裁省遵守至今夫國家大事莫重於祀寺卿典郊廟百神之禮樂而贊其祀事孔子論禮樂不在於玉帛鍾鼓宋儒有云不聞性與天道不能達乎禮樂故漢初以列侯忠孝敬謹者居之歷代或選曹尚書領護或以兩制充國初卿少慎選名德任不以方如丘公玄清蔣公守約類以讀書史諳典

禮砥志清脩仰契 聖衷矧 列聖於內閣國子翰林資深者
多授寺卿清秩寵異之嗣是職者克秉寅清祇若 崇祀德意
感格神明使陰陽不奸民安物阜以延 宗社於無疆則於厥
任爲無忝矣今詳各官年表於後其行實見於事紀其勲德茂
著者表爲列傳

國初太常寺卿行實

楊訓文字



四川潼川州人故元淮海書院山長乙巳年以

儒士見拜起居注遷左司郎中洪武元年任二年出知湖州歷戶部尚書詳國初戶部

胡惟庸字



直隸鳳陽府定遠縣人元末歸附洪武二年由

本寺少卿陞任三年陞中書省叅政歷左丞相詳中書

魏觀字杞山湖廣武昌府蒲圻縣人薦舉歷起居注洪武三年任賜之制曰太常之職掌郊廟社稷山川羣神之祀厥任重矣爾觀學行方正事朕有年屢持憲節振揚風紀及領鹽運勞績茂彰頃居翰院日紀言動朝夕之間屢進諫論尤簡朕心茲用

長於太常益恭乃職七月命觀改定太廟祝文稱孝子皇帝臣
凡遣太子行禮稱長子某著爲令本年改侍講學士歷國子
祭酒詳南京國子監

陳珠字元禮浙江溫州府平陽縣人仕元爲湖州路總管洪武
初選議律令元年授太常司丞上初卽位爲禮官改江西按察
司僉事三年陞太常寺少卿珠奏周禮孟冬祀司民司祿而獻
民數穀數祀畢受而藏之今郊祀宜以戶口錢糧之籍陳於臺
下禮畢藏之內府以見拜受民數穀數之義上命中書
省臣凡行郊祀禮以天下戶口錢糧之籍陳於臺下祭畢藏之
內府天下地理形勝城池山川圖成等藏之內庫本年陞本寺

卿禮儀多所贊定四年秋陞河南行省叅政

吳琳字

湖廣黃州府黃岡縣人洪武初薦舉甲辰年召爲

國子監助教吳元年遷浙江按察司僉事尋陞兩淮運同本年
入爲起居注洪武四年陞太常寺卿本年陞兵部尚書改吏部
詳吏部尚書

陳世舉字

應天府上元縣人洪武初薦舉三年陞太常寺

少卿五年陞本寺卿本年免

呂復字

江西興國人洪武初徵文學五年任六年卒於官

呂本字

直隸鳳陽府壽州人故元元帥府都事丙午年歸

附授中書掾史吳元年授湖廣行省照磨至洪武三年陞中書

省右司郎中四年改左司郎中五年陞刑部侍郎本年進吏部
尚書協詹同理部事六年改太常司卿八月本同丞相胡惟庸
等侍金水橋 上諭之曰園丘方丘宗廟社稷山川各壇場恁
太常司官提點着那各署官用心收拾得乾淨着其祭祀犧牲
好生喂養的十分肥腩着凡遇祭祀齋戒時太常司官各署都
要十分至誠齋戒如臨祭時官人每并文武舞生戒郎都要穿
些乾淨衣服辦事七年正月本同禮部尚書牛諒劉昭先等於
奉天殿具題正月十三日降香二月初一日丁酉祭孔子當日
食按禮記曾子問所載當祭日食牲未殺則止廢六典釋奠有
故改用仲丁元延祐六年二月丁亥朔日食改用十一日丁酉

釋奠今擬改用二月十一日仲丁遣官行禮仍於三十日降香
上從其議四月左遷北平按察司僉事尋召還授禮部尚書八
年正月諭本令天下有寄跡佛老志尚聖賢者許入國學以
天理民彝乃畀之以政本年出爲兩浙都轉運鹽使十三年本
言國初委官稽考舊額以四百斤爲一引官給本米一石以米
價低昂爲準兼支錢鈔以資鹽民然其間有丁產多而額鹽少
者有丁產少而額鹽多者未經覈實今與各道分言卽鹽場所
屬地方驗其丁產多寡地利有無官田草場除額免科薪鹵得
宜約量增額分爲等則逐一詳定均平寔爲民便詔從之本年
復授太常寺卿十四年以疾卒於官 賜葬鍾山之陰本無子

女爲 懿文皇太子繼妃生建文君尊爲皇太后靖難後與其
少子甌寧哀簡王允熙等守懿文陵卒

唐鐸字振之直隸鳳陽府虹縣人元末歸附洪武七年由刑部
尚書改任十一年丁母憂十三年詔起復陞兵部尚書加大子
少保詳兵部

樂禮字

直隸全椒人國子祭酒韶鳳弟洪武初薦舉

七年陞太常寺少卿十二年陞本寺卿十三年罷職

張經道字

山東濟南府蒲臺縣人洪武十年以博學舉十

三年由兵部總部員外郎陞任十五年以親屬犯罪爲民後起
戶部右侍郎詳戶部

丘玄清字

陝西

人幼爲迎廣均州武當山道士宗全

眞之學往來漢沔河洛間洪武十四年有司薦其有治才欽除
試御史十六年超陞太常寺卿爲人持重有守 上嘗賜以媛
女固辭不受 上益重之二十六年卒於官

王德益字

人洪武二十六年任本年閑任

黃子澄名湜以字行江西分宜縣人 少從邑人歐陽貞受周
易周與學受尚書清江梁寅受春秋博學負俊聲游卿校同舍
避席賦寒江把釣圖及枯梅詩人謂之寒江詩云絲綸直下三
千丈砍得鰲頭與世看益有意爲洪武癸亥膺貢入大學明年
鄉試第二名乙丑會試第一廷試及第第三人授翰林修撰尋

兼春坊官侍東宮講讀二十五年遷少詹事兼修撰二十七年
累遷太常卿 皇太孫立諸王以叔父之尊多不遜服一日太
孫坐東角門召子澄謂曰諸王尊屬各擁重兵何以制之子澄
以漢平七國事爲對 太孫喜曰得先生謀吾無慮矣及卽位
兼翰林學士與齊秦皆用事特用齊湘代岷五府相繼煽動

上一日朝罷召子澄謂曰先生憶昔者東角門之言乎子澄曰不
敢忘也然須密退與齊秦謀之秦欲先燕子澄曰周燕之母弟
取周卽剪燕之手足而燕因可圖也入白之 上遂遣曹國公

李景隆圍河南追周王橚至京遷之雲南徙代王棖於邊湘王
栢聞計狼狽闔宮焚死齊王榑囚之京師岷王榘降爲庶人至

於燕藩亦措撫其事加誚讓 朝廷以子澄爲功最實之時燕
王子高照高燧皆在京齊秦欲先收之子澄曰不可事覺則彼
先有名遂遣歸尋悔追之不及會燕上書救周罪子澄指爲連
坐決計討之己卯三月命都督宋忠等北征七月靖難師起首
以誅齊秦及子澄爲名遂破雄縣懷來遣長興侯耿炳文禦之
互有勝負子澄適師老遂請 上班師詔以李景隆爲征虜大
將軍率諸將兵凡百萬以往景隆自負有文武才 上寵信特
深甫行饒之江許賜犀玉帶諸將各一賞賚無算子澄授以指
畫景隆依違而已未幾攻北平城累戰皆大敗奔還赦不誅子
澄哭諫曰景隆出師無紀度意在覲望不誅之以謝宗社何以

懲將士不職已而徐凱盛庸繼踵敗劬顧成等皆降子澄拊膺
大慟曰大事去矣萬死不足贖誤國之罪乃賦一詩以痛許曰
仗鉞爭登大將壇貂裘遠賜朔方寒出師無律真兒戲負國全
身獨汝安論將每時悲趙括懷夷何日見齊桓尚方有劔憑誰
借哭向蒼天幾墮冠聞者哀之尋用侍臣議詔謫子澄及齊泰
於遠方以快敵意其實使之募兵也時諸將猶守淮南而成
廟忽渡江矣谷王一云與李景隆開門迎附子澄出走蘇州
詔執之捕獲責問不服死之命亦其族一子逃難易姓爲田經宥
始復姓家湖廣咸寧孫表登正德辛巳進士

王勉字

陝西西安府華州蒲城縣人洪武中由樂舞生歷

寺少卿洪武三十五年陞太常寺少卿永樂二年陞本

卿十一年卒

蔣守約字直隸宜興人永樂初以樂舞生授太常寺

協律郎三年陞寺丞七年陞太常寺少卿十一年陞太常寺卿
十八年改北詳太常寺